

J.P. Međunarodni aerodrom "SARAJEVO" d.o.o. Sarajevo, iz Sarajeva, ul. Kurta Schorka br. 36, Uvjerenje o registraciji obveznika PDV-a u jedinstvenom registru obveznika indirektnih poreza sa identifikacionim brojem: 200068970001, Uvjerenje o poreznoj registraciji kod Kantonalnog poreskog ureda Sarajevo, sa identifikacionim brojem: 4200068970001, Rješenje o registraciji poslovnog subjekta kod Općinskog suda u Sarajevu, broj: UF/I-2148/05, sa matičnim registarskim brojem subjekta upisa: 1-13237, Transakcijski račun kod UniCredit banka d.d. Mostar, broj: 3387302205238447, koga zastupa Armin Kajmaković, direktor i Alan Bajić, izvršni direktor **(u daljem tekstu: Davaoca usluge)**

i

Kanton Sarajevo, ulica Reisa Džemaludina Čauševića broj 1, 71 000 Sarajevo, koga zastupa Nenad Marilović, šef Protokola **(u daljem tekstu: Korisnik usluge)**

Zaključili su u Sarajevu

UGOVOR

Član 1. (Predmet Ugovora)

Predmet ovog Ugovora je regulisanje prava i obaveza ugovornih strana vezano za:

- a) povremeno korištenje VIP salona Davaoca usluge koji se nalaze u Terminalu „B“ Međunarodnog aerodroma Sarajevo, i to:
 - VIP salon u zoni dolaska – kapaciteta 10 sjedećih mjesta, površine 47m², smješten u restriktivnoj zoni pristupa prije pasoške kontrole;
 - VIP salon u zoni odlaska – kapaciteta 18 sjedećih mjesta, površine 51m², smješten na prvom spratu Terminala „B“ u zoni javnog pristupa;
- b) VIP tretman korisnika VIP usluge i
- c) pružanje ugostiteljskih usluga, shodno iskazanim potrebama Korisnika usluge.

Član 2. (Cijena usluge)

Cijena korištenja salona, navedenog u članu 1. tačka a) alineja 1. ovog Ugovora, iznosi 100,00 KM (slovima: stotinu KM) za 30 (trideset) minuta korištenja.

Cijena korištenja salona, navedenog u članu 1. tačka a) alineja 2. ovog Ugovora, iznosi 100,00 KM (slovima: stotinu KM) za 30 (trideset) minuta korištenja.

U navedene cijene nije uključen PDV, koji će biti obračunat po važećoj zakonskoj stopi na dan fakturisanja.

U cijenu korištenja VIP salona uključen je VIP tretman.

Cijena VIP tretmana po osobi/putniku iz člana 1. tačka b) ovog Ugovora za putnike u odlasku/dolasku iznosi 39,12 KM (slovima: tridesetdevet i 12/100 KM), bez PDV-a.

Cijena korištenja ugostiteljskih usluga iz člana 1. tačka c) ovog Ugovora obračunat će se u skladu sa važećim Cjenovnikom ugostiteljskih usluga Davaoca usluge.

Član 3. (Period važenja Ugovora)

Ovaj Ugovor zaključuje se na period od godinu dana, i primjenjuje počev od 01.08.2019. godine.

Član 4. (Plaćanje)

Davaoca usluge se obavezuje da će vršiti mjesečno fakturisanje izvršenih usluga navedenih u članu 1. ovog Ugovora.

Korisnik usluge će vršiti plaćanje faktura uplatom na transakcijski račun Davaoca usluge u roku od 15 (petnaest) dana od dana ispostavljanja fakture.

Ako rok dospijeća pada u neradni dan, uplata se može izvršiti najkasnije do prvog prethodnog radnog dana.

Isplata se smatra izvršenom danom prijema uplate na transakcijski račun Davaoca usluge.

Član 5.
(Zatezna kamata)

Ako Korisnik usluge ne izvrši plaćanje u roku od 15 (petnaest) dana od dana fakturisanja predmetne usluge, Davalac usluge će Korisniku usluge zaračunati zateznu kamatu u skladu sa Zakonom o visini stope zatezne kamate, počev od dana padanja u docnju.

Član 6.
(Obaveze Korisnika usluge)

Korisnik usluge se obavezuje da Davaocu usluge izvrši najavu termina korištenja VIP salona, najmanje 48 (četrdesetosam) sati prije termina korištenja, a otkaz najmanje 24 (dvadesetčetiri) sata prije termina korištenja, i to dostavljanjem pisane obavijesti na mail: paxhandling@sarajevo-airport.ba ili na telefaks, broj: 033/289-489, odnosno 766-841.

U slučaju da Korisnik usluge dostavi Davaocu usluge otkaz u periodu kraćem od 24 (dvadesetčetiri) sata prije termina korištenja, ili ne otkaže korištenje predmetnog prostora, dužan je Davaocu usluge platiti 30% od cijene, utvrđene u članu 2. ovog Ugovora.

Član 7.
(Obaveze Davaoca usluge)

Davalac usluge se obavezuje da Korisniku usluge potvrdi mogućnost korištenja salona, dostavljanjem pisane obavijesti putem maila ili telefaksa.

Član 8.
(Potvrda o izvršenim uslugama)

Za korištenje VIP salona i pružanje usluge VIP tretmana, Davalac usluge izdaje Korisniku usluge potvrdu (charge note) o izvršenim uslugama, potpisanu od strane ovlaštenih radnika ugovornih strana.

Član 9.
(Sporazumni raskid Ugovora)

Ovaj Ugovor može prestati sporazumom ugovornih strana uz obavezu dostavljanja pisane obavijesti drugoj ugovornoj strani o raskidu ugovora, najmanje 30 (trideset) dana prije datuma raskida Ugovora.

Član 10.
(Jednostrani raskid Ugovora)

Ugovorne strane mogu jednostrano raskinuti ugovorni odnos otkazom. Otkaz mora biti dostavljen drugoj ugovornoj strani najmanje 30 (trideset) dana prije datuma raskida Ugovora. Otkazni rok počinje teći danom prijema pisane obavijesti o raskidu Ugovora.

Član 11.
(Izmirenje obaveza)

Prije prestanka Ugovora, Zakupac je obavezan da izmiri dospjele, a neizmirene obaveze nastale iz osnova ovog Ugovora.

Član 12.
(Primjena Zakona o obligacionim odnosima i nadležnost suda)

Za sva pitanja koja nisu regulisana ovim Ugovorom primjenjivaće se odredbe Zakona o obligacionim odnosima.

Eventualne nesporedbe strane će nastojati rješavati dogovorom, a ukoliko to ne bude moguće, sporove će rješavati stvarno nadležni sud u Sarajevu.

Član 13.
(Datum zaključenja Ugovora)

Ovaj Ugovor se smatra zaključenim danom obostranog potpisivanja od strane ovlaštenih predstavnika ugovornih strana.

Član 14.
(Izmjene i dopune Ugovora)

Izmjene i dopune ovog Ugovora vršit će se u pisanoj formi u obliku aneksa ugovora.

Član 15.
(Ostalo)

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA DAVAOCA USLUGE

Armin Kajmaković, direktor

Alan Bajić, izvršni direktor

Broj Ugovora: 02-1-02-2-5312-8/18

Datum: 16.08.2019.

ZA KORISNIKA USLUGE

Nenad Marilović, šef Protokola

Broj Ugovora: 18-14-31241

Datum: _____